

廣東通志

卷三十二

內閣文庫		
函	冊	號
四	六九二	三九六九
函	冊	號
一	〇	〇

內閣文庫		
架	冊	號
四	六九二	三九六九
架	冊	號
三	九	二

(七二五不)

內閣文庫		
番號	漢	3969
冊數	692 (527)	
函號	291	97

五二七



廣東通志卷第三十二

政事志五

兵防二

軍器


弓兵

民壯

淺草文庫

夫魯禮義之國也淮夷徐戎並興伯禽作費誓曰善教乃甲冑必至礪乃鋒刃無敢不善然後已焉

僖公之膺戎狄懲荆舒也詩人頌之曰公車千乘朱英綠滕二矛重弓公徒三萬貝冑朱綬若此其有備也况於吾廣潢池竊弄之地哉器械莫大乎弧矢以威天下宋元以來設有弓手洪武政令易為弓兵譏察詭異用戒戎作然反縱玩以致寇者有之矣成化初始萬兵於農而選民壯有警徵調



廣東通志卷三十二

文五

二

一

事平歸耕厥後計里編僉服役于官或克弓兵送  
迎城守而已正德末顧募打手以應征戰然調發  
往來肆為劫掠憂民者可無念哉精選行伍除厥  
器械養之有素備之有方毋徒曰吾廣固海濱鄴  
魯也則民庶乎其有寧宇矣

軍器

司馬法兵不雜則不利長兵以衛短兵以守太長則  
犯太短則不及太輕則銳七則易亂太犯則不齊  
兵長  
短相衛太短太輕皆不如法也犯者觸在也故不齊  
不及者遠於利也銳者不周則破故奔北擾亂也  
又曰弓矢圍弓守戈戟助凡五兵當長以衛短短

以救長迭戰則久皆戰則疆

李氏曰迭更也言更戰更息則可堪久悉舉軍

戰衆多

越鑄寶劍金錫和銅五色並見左右軍皆破

兕甲

爾雅兕似牛註一角青色皮堅厚可制鎧鎧即甲也周禮兕甲壽二百年越之軍器用周禮僅

見又令安廣之人佩石碣之矢張盧生之弩

安廣陣中二廣

也石碣盧生未詳

百越軍器猶有司馬法之遺焉

太平御覽

龍川有營澗嘗有銅弩牙流出身皆以銀黃雕鏤  
取之者祀而後得曾有取此牙逢風舉船淪沒父

老云越王弩營處也

南越志

勾粵之幹鏃以精金鷲準為之羽以之楛箠則其與  
稿考也無擇

勾粵東粵幹似幹也鷲隼鵬鷄之類楛箠打擊也爾雅曰東南之美有會稽之

竹箭焉夫鈞幹之越以精金為鏃而後以準及夫盪翎羽之打擊則同於稿朴也無擇猶無異也寇爭衡耀武決勝加之彊弩之上則三百步之外不立敵矣排盪寇爭衡決勝如此勾粵之幹於強弩之上則不立敵矣○尤倉子

交州山夷名曰俚子弓長數尺箭長尺餘以焦銅為鏃塗毒藥於鏃鋒中人即死不時歛藏則胥脹沸爛須臾焦煎都盡唯骨在耳其俗世不以此藥法語人治之飲婦人月水及瀆汁時有差者唯猪犬者無他以其食瀆故也焦銅者有聲以物打之徐聽其聲得焦毒者偏擊取以為箭鏃博物志漢制立武庫以藏兵器郡國不得私作兵器禁鐵毋

與南越關市景帝時七國反江都王建聞淮南衡山主陰謀恐一日發為所并遂作兵器鑄將軍都尉印遣人通越

後漢武庫令主兵器屬執金吾兵器弓弩刀鎧之屬

考工令主造作成則傳金吾入武庫交趾部得越王

弩制上之弩長二尺九寸前高二寸七分闊一寸一分後高二寸中肘下有眼高二寸三分其上蓋梁高七分長二尺六寸闊一寸一分其下槽深三分半闊如之長二尺三寸機左右二以牛角為之長四寸五分闊一寸厚二分五釐鐵軸二各長一寸八分低昂以發矢下鑑上絆皆以鐵為之鑑方員長一尺五寸絆二長七寸鐵壯長一寸八分鐵軸一長一寸八分鐵弩蓋絆一長四寸鐵軸長一寸三分蓋軸一長三寸弩牙角一塊長一寸闊一寸厚五分下鑑以脚踏之上弓弦上手持端橫置弓弓長四尺六

寸闊一寸六分弓稍桑木二長一尺五寸方二寸弓  
胎桑木二長二尺闊三寸厚二寸弓把桑木一長一  
尺闊二寸厚二寸弓面牛角二長一尺八寸闊二寸  
弓弦二條每條用絲一兩伍錢箭長六寸五分重四  
錢四分箭頭長一寸重二錢一分共七寸五分重六  
錢五分前二分後三分有三等已上色用黃○舊志  
建安十五年始建交州牧于南海尋給鼓吹建牙出  
纛軍令曰始出營豎矛戟舒幡旗鳴鼓角行三里辟  
矛戟結幡旗止鼓角未至營三更復豎矛戟舒幡旗  
鳴鼓角至營復結幡旗止鼓角違令者髡兵書曰牙  
旗者將軍  
之精金鼓者將軍之氣一軍之形候也凡始豎牙必  
以制日制日者謂上尅下日也立牙之日吉氣來應  
大勝之徵凶氣先應破軍殺將故將軍祀軍牙六纛  
六纛所以主三軍也鼓以佐軍威嚴警鼓一十二面  
大將營前左右行列各六面在纛後角十二具於鼓  
左右後列各六具以代金黃帝出軍決曰始立牙之

日吉氣來應旗幡指敵或從風舉揮霍終日不繞竿  
勇氣奔逸是謂堂堂之陣此大勝之徵也始立牙之  
日凶氣先應旗幡皆垂或逆風湧牙竿摧折旗幡  
絕烈還繞繳竿如此則終必勢弱五方旗各具方色  
有所攻伐作五采牙旗青牙旗引在東赤牙旗引在  
南白牙旗引在西黑牙旗引在北黃牙旗引在中將  
軍出兵有所討伐引兵出城門望見白雲及  
白水舉白牙旗五色牙旗各隨天氣四時也  
晉太康二年禁廣州鐵毋與夷俚市設西江督護巡  
察之

廣州俚獠通牂柯與古鬱林交趾蒼梧皆以朱漆  
牛皮為兜鍪交廣志石林竹勁利削為刀切象皮如  
織矛裴淵廣州記宋昌縣今新興縣有棘竹長十尋俚人取  
以為弓又沙麻竹人削以為弓弓似弩淮南所謂

浮子弩也南越志

南朝宋元嘉二十四年御史中丞劉楨奏風聞前廣

州刺史韋朗莅任虐法暴濁是彰於州所造作犀皮

鎧六領矛楯三十幡朱畫青綾楯三十五幡請以見

事追免朗前所居官太平御覽

隋制廣州兵別置折衝果毅分八將以幡旗為號令

凡幟帛長五丈廣半八將分左右陣右一將行得

水黑幡旗幟圖熊旗額白脚青右二將行得火赤幡旗

幟圖鶚旗額白脚青右三將行得木青幡旗幟圖熊旗額

白脚右四將行得金白幡旗幟圖狼旗額白脚青右五

將行得土黃幡旗圖虎旗額白脚青左一將行得水黑

幡旗幟圖熊旗額白脚青左二將行得火赤幡旗幟圖

鶚旗額白脚青左三將行得木青幡旗幟圖熊旗額白脚黃

左四將行得金白幡旗幟圖狼旗額青脚黑左五將行

得土黃幡旗幟圖虎旗額青脚赤

唐初置軍器監後領弩甲二坊廢併不常貞觀十年

天下十道立府兵之法後開元中邊防以嶺南道為

中府置折衝都尉一人左右果毅都尉各一人長史

兵曹別將各一人校尉六人士以三百人為團團有

校尉五十人為隊隊有正十人為火火有長火備六

馱馬凡火具為布幕鐵馬孟布槽鋪鑿鑿確筐斧鉗  
 鋸皆一甲牀二鑊二隊具火鑽一曾馬繩一首羈足  
 絆皆三人具弓一矢三十胡祿橫刀礪石大觶氈帽  
 氈裝行滕皆一麥飯九斗米二斗皆自備并其介冑  
 戎具藏於庫有所征行則視其入而後出給之

天寶末廢武備挾軍器者有辟習弓矢者有罪惟邊  
 州置重兵嶺南道清海軍得造器甲劉龔以方鎮據  
 百粵稱南漢兵伏器械置坊局造之弓箭刀劍飾以  
 象犀魚革極其精巧山海經鮫魚皮有珠文而堅可  
 以飾刀劍曰是則魚革之用其  
 來遠矣

宋開寶八年令諸州歲造兜鍪鐵甲弓弩槍箭及兵  
 幕甲袋襖衫鉦鼓炮砂鍋鑿行槽欽鑊鑊斧等謂之  
 什物以備軍行之用惟廣南東路視淮浙減三分之  
 一景祐三年詔廣南民家毋得置博刀犯者并鍛人  
 並以私有禁兵律論先是嶺南為盜者多持博刀杖  
 罪輕不能禁轉運使以為言故著是令元符二年增  
 造神臂弓令廣南槍手習之先是二廣路上下令依  
 熙寧指揮脩置器械三年知端州蕭劄上疏極言傷  
 財害民其弊非一乞住買鎗手器械疏奏不報神臂  
 弓弩

類也始民李宏獻之以檠木為身檀為梢以鐵為捲

子槍頭銅為馬面牙發麻繩扎絲為弦弓之身三尺

六

有二寸弦長二尺五寸箭木羽長數寸帝閱試之射  
二百四十餘步入榆木半筈帝甚善之於是神臂弓  
始用而他弓  
矢弗能及

熙寧元年詔廣州槍手十之三教弓弩手是歲會五  
郡槍手為指揮四十一總一萬四千七百有奇六年  
詔戶四等以上有三丁者以一為保甲每百人為一  
都五都為一指揮輪番教閱九年兵部言廣東五郡  
槍手請籍立戶第以下壯無過舊額一萬四千之數  
餘以為保甲奏可

凡指揮領五百人練習用一百二十五人更番有  
馬軍營水軍寨四陣將領之兵法指揮大將軍牙  
旗用紅陣將門旗各

什所駐方色不得以紅恐雜大將軍 陣將鼓一  
一百二十五面恐或設疑驚敵用 甲六分七千  
百領 戰袍四分五千領 槍十分一萬二千五  
百根恐揚兵縛筏用 牛助排二分二千五百面  
馬軍以團牌代四分支 弩二分弦三副箭一百  
分二千五百張弩七千五百條弦二十五隻箭  
弓十分弦三箭一百五十分一萬二千五百張弓  
三萬七千五百條弦三十七萬五千隻射甲箭五  
萬隻 生鈿箭二萬五千隻長箭槩箭鈿足梨切  
弓袋胡麻張弓袋並一萬二千五百 佩刀八  
分一萬口 陌刀二分二千五百口  
搭素二分二千五百條馬軍用

元制郡邑設弓手以防盜職巡邏專捕獲官有綱運  
及流徙者至則執兵仗導送以轉相授受外此則不  
敢役示專其職焉若有失盜勒令當該弓手定立二  
限盤捉每限一月如限內不獲其捕盜官強盜決一



十七下竊盜七下兩月不獲強盜二十七下竊盜一十七下三月不獲者強盜三十七下竊盜二十七下如限內獲賊數及一半者全免正罪廣州童謠賊奴

官打十七錄事司弓手二十名 番正指此也 司縣巡捕弓手禹縣弓手一百二十八名

南海縣弓手二百三十五名 東莞縣弓手一百四十八名 增城縣弓手九十七名 新會縣弓手一百四十二名 香山縣弓手一百二十名 清遠縣弓手二十七名 右屬東莞縣界 廣恩州同巡檢額管澄海第五指揮四百人 禪州巡檢額管一百二十八人 崖山巡檢額管一百單五人 右屬新會縣界 長沙巡檢額管一百二十五人 屬增城縣界 香山巡檢額管一百二十人 清遠同巡檢額管九十五人 四會懷集巡檢額管一百一十人 屬懷集界

器械惟竹竿槍及長仗而已 雖名為弓手所執

本朝洪武初廣東各府俱設軍器局大使一員副使

一員其後革去惟令各衛所指揮千百戶等官帶管

造作軍器咸有定制其出境及下海私賣與夷人者

治以重罪刑部為禁約私賣軍器事檢會到 大明

海者絞因而走泄事情者斬其拘該官司及守把之人通同夾帶或知而故縱者與犯人同罪欽此除欽遵外本部切詳律有明條凡在軍民理一遵守奈何有等貪利之徒因見四夷朝貢之人朝廷厚加賞勞輒將盈甲鎗刀弓箭等項私自賣與致令將帶出境其守把關隘官軍人等又不嚴加盤獲公然縱放以此玩法深為不便除將已犯之人問擬如律明正典刑外若不申明禁約誠恐愚頑無知誤罹刑憲擬合出榜前去人煙蕪集去處常川張掛曉諭軍民匠作人等今後敢有仍前將軍器賣與四夷之人及沿邊關隘不行盤詰容令將帶出境者定行俱各處以重刑除具奏外合行備榜曉諭一體遵守施行

至榜 永樂三年復申禁約 刑部為禁約私賣軍器事  
 者 定律比先有等貪利之徒因見四夷朝貢之人 朝廷厚加賞勞輒將盜甲鎗刀等項私自賣與致令將  
 帶出境事發已將犯人明正典刑出榜通行禁約去  
 後近有韓保故違號令仍將軍器貨賣出境似此玩  
 法原情深重已將正犯人斬首號令家財沒官成丁  
 男子俱發三萬衛充軍去訖本部伏覩當 今四海  
 奠安昇平已久偃兵息民以務農業奈何怙終之徒  
 仍蹈前非又將軍器出賣未審別有行意若不再行  
 申明禁約深為未便擬合出榜文通行張掛今後  
 敢有仍將軍器賣出外境及見賣之人知而不首關  
 津去處不行盤獲一體治以重罪永樂二年八月十  
 九日早本部官尚書鄭賜等於 午門題奏奉 聖  
 旨是欽此除欽遵外合行出榜前去軍民大小衙門  
 常川張掛曉諭官吏軍民人等一體遵守施行須至  
 榜 及後因時損益其料銀徵七千民 舊以里甲均平  
 者 均徵三千軍 屯種餘 舊例軍器減半成造料銀亦減

半歲徵嘉靖十三年始開歲一徵軍器亦間歲一造  
 嘉靖十五年例減半歲徵軍器亦間歲一造十八年  
 以後徵解兵備道發縣收候成造支用二十五年以  
 後俱解布政司收貯遇成造之年衛所具數報兵備  
 道通詳委官支領自十五年定例後至今遵行之  
 大明會典每衛二季成造盔甲鎗刀弓各四十件員  
 牌二十面弦八十條箭一千二百枝撒袋四十副銃  
 箭四百枝每十戶所一季成造盔甲鎗刀弓各十件  
 員牌五面弦二十條箭三百枝撒袋十副銃箭一百  
 枝 成化以來節奉事 廣州四衛每衛額設軍匠四十  
 枝 例增減停免不一

名外衛三十二名每所二十二名近來逃亡事故正各存多寡不等德九年七月奉 欽降減半式樣每衛該造六瓣明  
 盔二十頂襯盔二十頂齊腰甲二十副黑漆線紫角  
 弓五十張正副白絲弓絃一百條破甲鐵箭三千九  
 百七十六枝明油真皮撒袋五十副黑漆靶鞋腰刀  
 五十把黑漆鞘斬馬刀二十把勒甲脂皮帶二十條  
 彩畫虎頭長挨牌四十面通計四千三百六十六件  
 約用料銀一百五十八兩三錢五分三釐七絲四忽  
 五微一纖每所該造六瓣明盔五頂襯盔五頂齊腰  
 甲五副黑漆線紫角弓十五張正副白絲弓絃三十

條破甲鐵箭八百八十二枝明油真皮撒袋十副黑  
 漆靶鞋腰刀十把黑漆鞘斬馬刀五把勒甲脂皮帶  
 五條彩畫虎頭長挨牌十面通計九百八十二件約  
 用料銀三十八兩一錢一分五釐七毫七絲三忽一  
 微五纖俱通行廣州左等一十五衛并所屬各所及南雄等九直隸千戶所遵照每年四季成造  
 合用料價軍三民七出辦俱照上年成規有司出自  
 里甲均平支解都司或各衛所收貯呈請委官督匠成  
 撥辦徵納解都司或各衛所收貯呈請委官督匠成  
 造之日方行關領前銀買料廣州左右前後南海廣  
 海香山增城東莞新會大鵬一十一衛所軍器俱在  
 都司軍器局內成造收局聽候軍門取解應用其餘  
 各該衛所多無軍器局俱係寄庫貯候地方有警給  
 發官軍領用原無定數及卷查先該都司見得廣州  
 左等衛所軍器不堪披執呈蒙撫按衙門批行布政  
 司已經委差廣州府同知沈尚經會同管局指揮胡

鎮督造各官看得原降式樣六瓣明盔等軍器俱係  
 此方平原騎射破虜之具與本地所用不同將六瓣  
 明盔照數改造寬簷鐵帽齊腰甲照數改造重油吊  
 線皮甲黑漆線紮箭弓照數改造黑漆條弓破甲鐵  
 箭照數改造全簪鐵箭彩畫虎頭長挨牌照數改造  
 圓牌其觀盜黑漆鞘斬馬刀勒甲脂皮帶俱不便披  
 執并明油真皮撒袋局庫多餘俱免造辦通行呈允  
 查支軍衛有司料銀發局成造如前降六瓣明盔  
 盜齊腰甲虎頭牌斬馬刀明油真皮散袋雖不便於  
 十俗要之實係國家宣揚威武壯示軍容之具而  
 守城操練理不可無亦當照額量  
 造十分之二以寓告朔存羊之意

嘉靖十年奏准添造軍器佛朗機及神機銃螺獅箭

鈎刀眉刀短鎗強弩廣州左右前後清遠肇慶惠州

長樂程鄉南雄韶州德慶四會龍水新興陽春欽州

靈山十六所地方多近崖峒山徑崎嶇多吳陸戰南

州崖州儋州雷州廉州峇州石潮州海門靖海捷勝中

子門平海海豐永安錦囊海安海康樂民石城信宜  
 寧川高州雙魚陽江海朗東莞新會大鵬香山三十  
 所各處地方皆係枕近海濱多是水戰其水陸戰具  
 攻山伐崗航海出澳而長鎗長牌鐵甲鐵盜及黑漆  
 鞘斬馬等刀與夫圓牌勁弩鈎刀腰刀眉刀短鎗鐵  
 箭竹盔紙甲皆可備捍敵禦患之用其佛朗機銃神  
 鎗蔡箭鉛彈等項器具物件固為水戰之長技而路  
 戰或亦為可用酌今之宜順時之便相應將該省前  
 項軍器應改造者為之改造應添造者為之添造其  
 改造之數俱查照廣州左右前後四衛前項數目改  
 造添造之數照衛所地方之大小為制器數目之多  
 寡每衛則添造佛朗機銃管二十把連提鏡子  
 一箇神機銃管二十把鈎刀十張眉刀二十箇神機  
 獅箭各二百五十枝鈎刀十張眉刀二十箇神機  
 十根弩五十把每所則添造佛朗機銃管十把鈎刀  
 連提鏡子一箇神機螺獅箭各一百枝鈎刀五張眉  
 刀十張短鎗二十根弩二十把廣東十府分隸五道  
 以便軍民披執以便水陸登涉

各設軍器局嶺南於都司軍器局圍造廣南韶嶺東

於長樂縣惠潮二府嶺西於肇慶衛肇高海北於靈山縣

二府各踏勘原舊基址或取空閑官地查支所屬府州縣衛所庫貯

遍年支剩未用軍器料銀或無碍官銀委官估計買

料起立軍器局一所多造公廨房屋行令各府州縣

俱自嘉靖十年為始照數照式成造軍匠分上下二

班兩季一換料價銀則軍三民七其七分之數每府

歲辦銀一百二十一兩六分六釐八毫四絲八忽每

州縣歲辦約用二十八兩三錢三分三釐三毫八忽

或多寡不等臨時呈請定奪三分之數每衛銀四十

兩八錢七分三釐二毫九絲五忽四微每所銀一十

一兩九分三釐一毫三絲八忽九微三纖合用匠作例俱於各

衛所選撥諳曉軍匠每衛三十二名每所二十二名

每年分作上下二班兩季一換俱解赴各該兵備道

委官督晉分投買料四季成造每季俱限月終如式

造完聽該道官查點盤驗見數就於局內置設高爽

板架分別各府衛所紀載成造年月編立監造職役

名姓字號令各挨次如法收儲必使不受地氣及風

雨飄淋以致朽爛其看司人役就在軍匠數內坐各

選撥如有侵剋料錢造不如法并過期不完者聽該

道查例參問支剩料銀明註簿籍案發各府收貯備

用前項軍器完造各以十分為率四分聽候軍門行

取挨年起解六分貯候地方有警各赴該道具領發

局查給事寧照數還局軍三民七料價軍衛三分廣

州左右前後南海廣海清遠肇慶神電惠州竭石潮

州雷州廉州瓊州十五衛每衛銀四十一兩零二

分六釐六毫一忽六微六纖七沙南雄韶州連州東

莞大鵬永安等四十六所每所該銀一十二兩四錢

六分零七毫一忽一微九纖廣州左等十四衛南雄

等四十二所俱於各該衛所均派屯種餘丁出辦惟

廉州衛永安欽州靈山石城四所原無屯種餘丁出辦該

衛左右中前并永安等共八所每所摘撥正軍二名

每年每名出辦料銀五兩五錢免其差操間歲一徵  
附省者解布政司在外者解各該兵備駐劄府縣貯  
軍有司七分每衛該派有司料銀九十五兩七錢二  
分八釐七毫三絲七忽二微八纖三沙每所該派有  
司料銀二十九兩零七分四釐九毫七絲忽一微  
七纖俱於各該管州縣里甲丁糧均平銀內出辦間  
歲一徵附省者解布政司在外者解各該兵備駐劄  
府縣貯庫候成造之年各該衛所造冊關領解赴各  
該兵備道驗發各軍  
器局如法買料成造

夫必勝之道器械為寶粵有溪洞外夷當兼其長技  
旗纛金鼓以一視聽

旗有五等曰高招前哨純紅色上畫朱雀後哨純  
黑色上畫龜蛇左哨純青色上  
畫蒼龍右哨純白色上畫白虎各一面若八陣則  
益以後右純藍色上畫圓日前右純赭色上畫函  
月前左純綠色上畫風澤曰角旗俱如方色紅黑  
後左純紫色上畫雲山

每面曰門旗俱如方色紅黑青白曰督戰麾旗俱

如方色紅黑青白緣邊上寫督戰字各四面曰隊旗俱如前色上寫一  
長什長亦如之伍長牌持器  
械則服號衫如八方之色

纛有二等曰牙纛即中軍大黃旗也上畫軒轅天  
將立牙必擇吉日祭馮故曰泣  
以威曰望纛亦名望旗依中軍以聽指麾四面用  
青赤白黑四色又有大將牙門之旗

方色各如前製  
金有四等曰金鉦即大鑼也古謂之曰鑼即小鑼也  
鉦四哨各用一面曰牙斗以銅為  
受一斗畫炊飲食夜持行擊之以自  
衛或兩旁有鈴今省城軍器局有之

十曰響鈸四哨各一對以應銅鼓曰才斗以銅為  
容

鼓有三等曰大鼓中軍出用之曰警鼓大將中軍設嚴  
警鼓一十二面

卷之三  
卷之五  
卷之三

左右各六角一十二列亦如日銅鼓形如懸壘而突其中和以響鍍及噶囉刺式摔鍍三等響器

### 盔甲牌斧以衛身容

盛有二等古之曰明盔亦名兜鍪用銀製重十二兩惟提督總兵二府用八

辦都指曰襯盔無辦如圓碗口狀指揮千百戶軍揮六瓣士皆用鐵各重一斤連官及士兵

或用牛皮取其輕也打手或用布盔及竹棚盔又有織竹絞綿紗紙者

甲有五等古之介也革曰兕甲周禮所用無兕以牛皮代之土兵所用

用曰金甲都指揮所用或以銀母代之務曰紙甲取其輕外夷有藤甲其色如金

外夷布甲藏紙戰則以水濕之箭不能入今曰鎖打手用紙在外或衣紙納與外夷布甲同

子甲曰柳葉甲銅鐵皆可製通謂之齊腰甲宋紹興四年製甲葉計用一千八百

二十五片表裏磨鞋一般光細內一等披膊葉五百四片每片重二錢六分一等甲身葉子三百三

十二片每片重四錢七分一等腿裙鷓尾葉子六百七十九片每片重四錢五分一等頭蓋簾葉子

三百一十片每片重二錢五分弁頭蓋一子肩子共重二斤及皮線結頭事件重五斤一十二兩

猶有之分每副共重四十九斤一十二兩此製今猶有之近日貴州布政使徐樾往諭土舍那鑑帥

兵以徃所製甲甚重為鑑所陷正朱製也今廣東所製鎖子甲惟重七斤柳葉甲惟重八斤輕便多

矣

牌有四等古之干也曰挨牌朱漆金字長可蔽身

內施槍木曰圓牌亦朱漆金字或刻為虎頭張口倚立於地

之狀右二牌並以木為質以革束曰藤牌都指揮而堅之俱名曰旁牌但分步騎耳

議按晁錯以步戰乃中國之長技今鈎刀虎義二手隨時教閱充用惟藤牌手出在福建漳州府龍

手隨時教閱充用惟藤牌手出在福建漳州府龍

溪縣土名海滄許林嵩嶼長嶼赤石砬尾月港澳頭沙坂等地方此各地方山川風氣生人剛勇善聞重義輕生若責其本府縣官用心選募約得三千人每名月給工食銀一兩五錢行糧四斗五升俱自家起行之日為始人每名另給衣裝器械養妻子共銀二十兩若至軍病死給棺木銀六兩陣亡給理葬銀一十二兩今欲募之先將銀兩解發該府坐委本府佐貳官一員知縣一員先募的當頭目六十人每月各加工食銀五錢責其每人各募前項地方壯兵五十人每十人編為一甲每一甲立領一千人千五百戶一十五員各分領二百人仍差前項府佐知縣兼理錢糧各至軍前聽用其各兵在途行糧水路船隻陸路挑行李夫及各官合用衣裝行糧俱要議處又每五十人宜用佛朗機銃二函每函帶子銃四個共價銀四兩與各頭日自去買備方有實用如官府打造及庫中原有者藥料非真製造粗鹵豈堪用哉此兵可以禦北虜而吾廣產藤宜依其製以代挨牌若征海寇俟其登陸曰皮牌牛皮代藤織者亦輕便可分長用之

衛

斧有四等

古之戚也曰鉞中軍大將曰鑿斧斧口有枝曰戣戣執之自衛曰鑿斧斧口

如木匠鑿狀而柄小繫之曰鐵鞭曰鐵簡外用之于左臂或袖中以備敵近曰鐵簡利於自上擊下或藏於袖此外則有布幔懸之以竿用禦則長以臂彎為度

矢石柔勝剛也

刀鎗鎚棍以接戰交鋒

刀有五等曰腰刀曰斬馬刀曰桿刀曰眉刀曰鈎

腰刀刃長一尺即滾刀也是為短兵斬馬刀刃長二尺五寸柄長三尺即大斫刀也長刃桿刀刃長三尺五寸桿長二尺邊方之器皆為長兵眉刀及沙刀鬼頭刀則中軍儀仗耳鈎刀刃有鈎亦鐵孫鈎湖廣猶矢喜用之謂之鈎刀手



鎗有十等曰長鎗曰線鎗曰戟鎗曰釵鎗曰盾鎗

曰蛇鎗曰神鎗曰飛鎗曰火鎗曰拒馬鎗長鎗古

釋名曰矛冒也刃下冒矜也下頭曰矜但悶切鎗

入地也長一丈八尺曰矜馬止所持言其稍稍便

殺也線鎗直上無枝古謂之戈說文曰戈平頭戟

也戟鎗有技兵曰戟讀若棘釵鎗如少狀為又盾

鎗則左曲而右下垂蛇鎗上有蛇形為刃晉猛

士陳安所持蛇矛是也線鎗以下五等不過儀仗

耳神鎗以鐵為刃以竹為翎操持便利擢擊猛烈

飛鎗俗謂之鏢亦曰單鏢鎗能及三百步火鎗則

用盒藏火藥飛鎗九枝謂之九龍盒亦曰飛火鎗

金人守汴時所用今九邊用之拒馬鎗其製以竹

或木三枝六首交竿相貫首皆有刃植地輒立貫

處以鐵為索更相鈎聯或布陣立營拒險塞空皆

宜設之以拒敵馬故名

鎗有四等曰重鎗或銅或鐵皆可曰卧瓜曰蒜頭

鎗或鐵皆重至百餘斤

曰卧瓜曰蒜頭

棍有五等古之及也釋名及殊也長丈二尺而無

用今以棍准刃有所撞怪於車上使殊離也無車不

之步騎皆可曰悶棍曰雙頭棍曰榔頭曰揉鈎曰

狼頭棒右取堅重木為之皆棍也而異名為輪為

施銃刃下作倒雙鈎曰揉鈎棒植鈎於上如狼牙

者曰狼牙棒本末均大者杵也長細而堅重者捍

也雙頭為輪棍其若賊中有善禁呪者則多作勁

木白楮無刃之棍以擊之凡出戰必審地形以便

其義不出於短長救衛之說長兵宜用佛朗機翼

以神鎗為一等短兵宜用挨牌翼以長鎗為一等

大斫刃翼以長刃捍刀為一等其餘監甲腰刀旗

幡等項悉如常制宜申明正德九年事例行令折

價分衛所各自行打造給用庶得精利如法廣東

都指揮俞大猷自謂學荆楚長劍頗得其要法乃

著劍經教士卒用棍以習之又分習鈞刀鎗鉞若能棍則各利器用法經此得矣其法自習步始起中平推牽扁身丁字回殺旋手進五步跳退三步原位直打直跳進五步乃有滴水獻花鵲過雞豕馬前斬草二龍爭珠等名目其起止中有拍位如曲中之拍位也妙全在此其究則不外乎致人而不致於人焉耳大都誘敵審其舊力過去新力未發而乘之所以取勝也避實擊虛涵太極之動靜得手應心見鸞魚之飛躍則用之熟而凝於神矣

弓塔砲石以射疏及遠

弓有二等曰馬弓曰步弓馬弓稍短於步弓以便於騎射凡弓長四尺六寸或五尺不等皆黑漆線纏靶絲用白絲箭皆用鐵撒袋用皮弓箭皆

也鐵箭之外復有五等曰銃箭銃口內加短箭其外為骨朶形銃發

箭射虜若馳犯即以骨朶骨朶曰神機箭長四尺盛于竹筒每筒用

擊之一物而兩其用也

硝一兩六分硫磺六分七釐長三尺首曰螺螄箭如田螺而

有鐵每一百箇用硝三斤二兩硫磺曰五龍箭上

一斤二兩水戰射之鑽八竹木中曰鐵筒

盒盛箭五枝執其柄用火藥以發每枝用鐵筒

箭鐵筒長尺餘承之以木桿狀類銃中實以火藥塞以木馬加以鐵丸藥發則木馬催鐵丸逆出

如飛燕中則射法列女傳云怒氣開弓息氣放箭人馬皆斃

蓋怒氣開弓則力雄而引滿息氣放箭則心閒而

慮周故量力調弓量弓制矢此為至要也法曰指

不知鏃同於無此指字乃是左手中指末知鏃者指末自知鏃到不假於目也

必指末知鏃然後為滿必騎射持馬弓必開至九

分滿乃可命中馬上把箭須以左手將箭或枝連弓把也又以一枝中弦掛便其

以箭插衣領內或插腰間俱不便決要從言凡箭去寧高而過的慎勿低而不及也或問之說所謂知鏃者指之自目欲注乎的也所謂審者非止審的而已也亦欲審指之知鏃也又非以目審之也以心審之也心趨乎的而目自注乎的心審乎指而指自知乎鏃鏃之至指也有景象焉指知鏃之景象則不假於目而弓滿矣審用於弓滿之際則氣閑矣以審令審之又審則致精矣到此地位工夫又難以審令氣閑答之蓋中的之箭皆從容閒暇能取必忙忽而有中者亦幸耳發明射法已得之矣乃謂行之子期能而與子期逐三易馬而三後襄王曰子之教我御術未盡也對曰術已盡用之則過也凡御之所貴馬體安于車人心調于馬而後可以進速致遠今君後則欲逮臣先則恐逮於臣夫誘道爭遠非先則後也而先後心皆在於臣何以調於馬此君之所以後也僕則謂射之所貴必無天於上

無地於下無當道臨於後無中的與不中的足愁於前無觀射千百人於側無同偶而射之人於左右從容閑適自始至終其不中為何審令氣閑為主也餘法皆自氣閑得之也審令致精不得與審令氣閑並論微乎微乎先生其學而思思而學自當手舞而足蹈也

弩有三等曰斗子弩斗子弩木牀盛而發之長丈餘凡雙弓床弩前後各施一弓以

繩軸絞張之下施床承弩其名有小大合蟬有手射合蟬者謂如兩蟬之狀大者張時用十許人次者五七人一工準所射高下一人以槌發其牙箭用大小鑿頭惟手射斗子弩最小數人就床張訖一人手發之射並曰諸葛弩世傳孔明所製有槽及一百二十大步

亦有一出矢者曰狸弩瓊州黎人所用箭九曲藏毒藥

砲有十二等凡砲大者曰碗口小者曰盞口有杉木無節者為曰震天雷鐵鑄狀如合碗頂一孔

炭中下樟腦鐵鑄狀如合碗頂一孔

以火點之砲舉火發其聲如雷聞百里外火發則  
砲裂鐵塊四飛故遠斃人馬所焚圍半畝以上  
火點所著鐵甲皆透曰大將軍曰二將軍省城下  
以藥料精真為本

曰三將軍外衛下操用之曰磁砲即震天雷燒磁  
為之者用之雖

不若鐵之威鐵不多曰佛朗機銃軍器局凡銃一  
得則磁以繼之可也

如黃瓜方入藥蒲裝鉛彈一顆藥用燄硝一斤硫  
磺三兩沙木炭三兩七錢樟腦五錢濃燒酒一盞

醋半盞引藥則硝一兩硫磺一分沙木炭三錢然  
猶未盡其妙也雲南憲副趙崇信嘗詢得佛朗機

夷人云秤定燄硝一斤硫磺二兩二錢炭四兩五  
錢置牆角小便沃濕過二三日帶潤入插至乾燥

飛揚仍用小便洒定插極細乃入礮每斤用去衣  
蒜頭三枚和濃燒酒春如麵膊作豆腐片置屋瓦

上晒極乾用開刀開碎如豆大入銃一兩三四錢  
只可及一千五百步矣海寇所鑄大者九尺其次

三五尺不等中藏鐵管橫薄四五寸厚一分許鐵  
銃心一條卷鐵葉二三重圓直光滑彈出無阻接

以鏡函函大於管下當黃瓜銃口上又有鐵套以  
萃火氣故激彈可洞數里穿木版而過版不裂而

留孔存焉其迅可知管在函函得鐵套套住燒時  
乃不走動而打轉傷人可無慮也極小者謂之手

鏡亦可彈殺曰鳥銃似弩用木箱成鐵筒硝七斤  
人畜禽虫曰鳥銃硫磺一斤柳炭一斤雨水七

碗春乾水極細研每用藥三曰爪哇銃硫磺二兩  
錢半鉛彈三錢半可以達遠

二錢炭四兩五錢銃身長曰九龍信砲圓如毬中  
至一尺五寸尤便持也

九枚起火曰神砲以木為矢以鐵為鏃與曰蒺藜  
藥燒之

錫砲至小者三十六枚入藥一層蒺藜一層用紙  
障藥令密錫烙砲口另錐一孔引藥線深入用紙

表措砲外二三層惟露點火引口錫一斤可打三  
砲蒺藜尖短只餘元曰霹子砲小銅砲也

妙大則不能多曰霹子砲聲甚轟烈  
石有二等曰飛石

外石每曰蘭石大石重百  
二斤

守城用之凡石與砲車相為用武經總要多用大木為  
 竿首施羅匡木上置砲稍推徙往來以逐便利或  
 用拒馬鎗間之以挾帶少藥近有製步戰車法如  
 番船狀前樹三長竹竹皆有牙釘屈之向後繫  
 之以纜上置羅匡木或竹籬載飛石或大石隨大  
 小施用下為車箱欄楯人伏其中以布帷蒙之每  
 車可容數十人前後各備佛朗機等砲統當敵則  
 砲石俱發兩旁置望斗竿各二人以施飛鏢車  
 萃平陸為營惟二輪在內碾地無聲推之使敵不  
 覺以勝近有舞鈎旗而拖敵至數人者其法用堅  
 古法厚綿布為大旗長一丈二尺綴鈎三百六十各有  
 逆鬚用力舞動包括覆敵衣髮不可得脫或用丈  
 二堅竹剖削成數十根共一把上有節者綴鈎裊  
 裊遠及以代旗云

唐嶺南節度使杜佑守城之具其法在相機以應敵

扇棧必塗泥城門扇及門上木棧皆以樓櫓必

籬上建候樓以板為之跳出為櫓籠戰格於女

荆柳編長一丈闊五尺橋有轉關橫括去其橋轉人

尺懸採端用遮矢石每一城堞積石百塊大小隨

皆傾水中堞有積石事或積長木如標狀皆以備

檄義竿為飛梯或兩傍曲刀以鈎搭連棒連如打禾

用打女牆外布幔七尺四折拋石之勢則矢石

不復水弩以黃蓮桑拓為弩弓長一丈二尺徑七

聲如雷吼行爐融鐵汁鑪也昇行遊火以鐵筐盛

穴中孔城之人燒灰眯之以眯敵人因風於城上擲

唐通鑑卷五

五

六

灑松明積松明燒之夜以鐵縲縋城而上驚尾炬縛  
 之松明巡城照敵入防其乘城而上驚尾炬縛  
 草為炬尾分為兩岐如驚尾狀仍以油臘鹿角鎗  
 灌之加火從城墜下便騎木驢而燒之  
 斬木及竹如角狀為鎗或交對突突槎牙女柵狀  
 高一丈或五尺六尺不等以繩或藤篾縛而聯之  
 列于城下以拒敵今九邊木柵無城壘去處乃建  
 用之為擡營名鹿角柵木柵立木為之方圓高  
 下隨事深埋木根重復彌縫其闕內重短為閣道  
 外柱木重長出四尺為女牆皆泥塗之內七尺又  
 立閣道內柱上布板木為棧立闌鐵菱狀如鐵蒺  
 藜上懸門擁牆濠塹拒馬以守鐵菱藜要路中  
 置之以陷馬坑長五尺濶一尺深三尺坑中埋鹿  
 刺人馬陷馬坑角槍竹籤其坑似亞字相連狀以  
 鈎鑠以草及細塵覆其上拒馬槍短隨事十字鑿  
 軍城營壘要路皆設之又銳其端可以塞城門巷要路  
 孔縱橫安檢長一丈九尺其端可以塞城門巷要路  
 人馬不得奔馳近又九邊製兩頭裏鐵中施橫棍  
 長七尺五寸每七寸七分鑿一孔用鐵槍五杆以  
 小棍五杆交架之迎以鐵索令游軍伏其前後

烽臺於高山四顧險絕處置之無山亦於孤迥平  
 臺高五丈下闊二丈上闊一丈形圓上建圓屋覆  
 之屋逕闊一丈六尺一面眺出三尺以板為上覆  
 下棧屋上置突竈三所臺下亦置三所並以石灰  
 飾其表裏復置柴籠二所流火繩三條在臺側近  
 上下用屈膝梯上收下乘屋四壁開覘賊孔及安  
 視火筒置旗一口鼓一面弩兩張拋力壘木停水  
 甕乾糧麻蘊火鑽火箭高艾狼糞牛糞每晨及夜  
 平安舉一火聞警戒舉二火見煙塵舉三火見賊  
 燒柴籠如每晨及夜平安火不來即烽子為賊所  
 捉一烽六人五人為烽子遞如更刻觀視動靜一  
 人烽率知文馬舖每舖相去三十里於要路山谷  
 書符牒轉牒馬舖問牧馬兩疋與游弈計會有事  
 驚急煙塵入竟游弈於軍中選驍果諳山川泉井  
 即奔馳報探外常與烽舖土河計會交  
 牌日夕羅候於亭障外王問事其軍中虛實  
 舉用勿令游弈人知胡便子將並父軍行人取  
 善騎射者兼令人枕胡祿中名曰地聽則先防  
 外東西南北皆響見於胡祿中名曰地聽則先防

簡城池接近蠻寇者不可不豫備也至於攻蠻寇

破營寨則有火攻水攻二法焉火攻者火兵以驍

街枚縛馬口人負束薪麻蘊懷火直赴敵一時舉

火營中驚亂急而乘之靜而勿攻凡火攻皆因天

時驟旱舍茅竹積穗糧軍營於又有火獸以艾燼

結草宿莽之中因風而焚也又有火獸以艾燼

中瓢間四孔繫瓢於野豬麀鹿項下繫其火禽以

尾端向敵營而縱之奔入草中瓢敗火發火禽以

桃剖分空中實艾火開兩孔復合繫野鷄火盜遣

項下針其尾而縱之奔入草中器敗火發火盜遣

暗伏與敵人同者夜竊號逐便懷火火弩以孽張

偷入營焚其積聚火發必亂而出火弩以孽張

三百步者以瓢盛火符矢端以數火箭以小瓢盛

百張中夜齊射敵營芻草積聚火箭油冠矢端

射城樓檣版木上瓢敗油散因燒矢鏃肉中射火

油散處火立燃復以油瓢續之則樓檣盡焚

杏磨杏子中空以艾實之繫雀足上加火薄暮毒

群放飛入城壘上樓宿其聚蘆舍須史火發毒

藥煙毬毬重五斤用硫磺一十五兩草烏頭五兩

油二兩半小油二兩半竹茹一兩一分麻茹一兩

砒霜二兩半黃蠟一兩一分麻茹一兩一分

分搗合為毬貫之以麻繩一條長一丈二尺重半

斤為絃子更以故紙一十二兩半麻皮十兩歷青

二兩半黃蠟二兩半黃丹一兩一分炭末半斤搗

合塗傳于外若有氣熏人則口鼻血出二物並以

砲放之害煙火藥毬即煙火架上所用四方架

攻城者先潛使人架于敵舟上點着水攻者以水

以小而乾荻隨之則敵舟盡焚矣

疾回而乾荻隨之則敵舟盡焚矣

因地而成勢為原高於城而斜下可以遏而止可

以決而流故晉水可以灌安邑汾水可以侵平陽

先設水而測其高下可以灌安邑汾水可以侵平陽

沉營殺將而照版度竿亦不可無也

兩頭及中間鑿為三池池橫潤一寸八分長一寸

深一寸二分分間相去一尺五分中間有通水渠

潤二分深一寸三分池各置浮木木潤狹微小施

巨厚二分上建立蔭高八分潤一寸七分厚一分

三

五

三

槽下置轉開脚高下與服等以水注之三池浮木  
 齊起眇月視之隨所平則為天下准式十步一里  
 乃至數百里自刀所及置照版度竿亦照版形如  
 白繩計其尺寸則高下丈尺八寸可知照版方扇  
 長四尺下二尺黑上二尺白度竿長二丈刻作二  
 潤三尺柄長一尺大可屋度竿百寸二千分每  
 寸內小刻其分隨向遠近高下立竿以照版映之  
 眇目視三浮木齒及照版又以度竿上尺寸為高  
 下通而併尺寸相承則山崗溝澗斯二者臨敵營  
 水源高下深淺可以分寸而度  
 寨出奇應變豈可盡拘古法哉省城廣州左衛城  
 池自歸德門起至  
 東門上長七百三十五丈五尺高三丈五尺廣州  
 右衛城池自歸德門起至西門止長七百三十一  
 丈高三丈七尺廣州前衛城池自東門起至鎮海  
 樓止長六百八丈五尺高三丈五尺廣州後衛城  
 池自鎮海樓起至正西門止長六百四十一丈高  
 三丈五尺守城器械有十口將軍銃曰碗口銃口  
 手銃曰神砲曰飛鎗曰長鎗曰袞刀曰  
 眉刀曰鐵骨朵各府城守大槩相同

本朝軍政官役隨操器械凡指揮千百戶馬軍馬一

疋鞍轡什物俱全鐵盔一頂腰刀一把鐵甲一副總小旗馬軍皮甲

角弓一張正副絃二條弓袋箭插一副鐵箭三十枝

操箭九枝內隨官牌手加牌鎗手如鎗刀手加袞刀

各一弓箭手加弓箭如官銃手加銃藥藥線送子

斧總小旗鎗旗一副軍士鐵盔一頂腰刀一把及甲

一副或綿襖其在海道三路備倭軍器每戰船鐵鑊

五十把竹篙鎗一百把羣鬚鏢一百把雙鬚鏢一百

把單鏢鎗六十把鐵箭二百枝撈鈎十把鐵手銃十

二把毒藥毬十包烟火紙毬十包火傘筒十把燕尾



牌十百九龍盒十副每副用飛鎗九枝器械尤以機銃火箭為重用則海寇畏之此京師立神機營所以必秘藥方而厲燄硝硫黃之禁也吏部侍郎霍韜進神箭疏言前任松

藩副使胡澧造神箭火藥甚精用之平地可射三百步用之高山可射六百步若遇達虜于三百步之外先用神箭攻焉一舉而萬箭齊發雖萬立為灰燼猶有豨突而送死者復用佛朗機銃攻焉一舉而萬銃齊發雖戎馬數十萬立見殄滅謹先進神箭二十枝乞 勅兵部試驗中用差人馬上星夜馳至廣東取胡澧家中匠人到局着各役依式製而用之叛賊可指日為灰燼矣 聖旨兵部看了來說該部會掌神機營官取火箭校之勝於澧所製者乃不果用

弓兵

秦漢之世當山海阨塞姦宄出沒處立亭設長掌兵

夫以譏察詭異王莽時猶置南海亭于揭陽此即今制巡檢司之始也

吳據交廣步兵皆習弓矢迄唐京師曠騎選弩手兼

習弓射六典武庫令弓之制有四長弓角弓稍弓格弓弩之制有七犖張弩角弓弩木單弩大木

單弩竹竿弩大竹竿弩伏遠弩箭之制有四竹箭木箭兵箭弩箭郡邑教習長兵挽

二石弓一石五斗已上亦在列四發而二中者號神機弓弩手

用之爭險守隘遏衝制突後令兼司巡警緝盜此弓

兵之始也今制京師五城兵馬司弓兵與各省郡邑同

宋熙寧八年十二月令廣南東路縣尉司弓級督領

弓弩手教習置鐵甲七十步箭中者賞之其弓弩手



隨戶丁多寡選充凡縣令官銜皆署主管勸農公事兼弓手寨兵軍正惟統縣尉不別設官蓋兵農相資文武並用之道也南海縣儒學進士題名碑今制人記縣令紀應炎職銜可考戶僉點弓兵始此別設巡檢惟掌遊軍瓊管屬廣西都巡檢使元世祖中統五年驗郡邑民衆寡置馬步弓手夜遊邏禁人出違六有罪皆以防盜每路置兵馬司至元十七年平厓山後令廣南東路錄事司及縣各置弓手千人以下郡邑相拒村落有邸舍可居停者亦置之每百戶取中產者一人以充山海要害處各置巡檢其盜發立限罰事例語在軍器志當孔道連接

之地官有網運若流徙者至則執其仗導從以轉相

授受外此則不敢役示專其求盜職也夜禁之法一更三點鐘聲

定禁人行五更三點鐘聲動聽人行有公事急速

州縣相雜遠處其間五七十里所有村店及二十戶以上者設巡防弓手關津渡口食設之處不在五七

十里之限百戶內取中戶一名捕盜官領之有次則立一限盤捉語在軍器志

本朝諸司職掌凡天下要衝去處設立巡檢司專一

盤詰往來奸細及販賣私鹽犯人逃軍逃囚無引面

生可疑之人須要常加提督或遇所司呈稟設置巡

檢司差人踏勘果係緊關地面奏聞准設行移工

部蓋造衙門吏部銓官禮部鑄印行移有司照例於

丁糧相應人戶內僉點弓兵應役一年更替廣東關  
津巡檢司提督盤詰之事有三其一曰凡軍民人等  
往來但出百里者即驗文引其二曰巡檢司縱容境  
內隱藏逃軍一歲中被人盤獲十名以上者提問如  
律其三曰凡軍民無文引及內官內使來歷不明有  
藏匿寺觀者必須擒拏送官仍許諸人首告得實者  
賞縱容者同罪洪武十八年九月二十五日為禁約  
事照得巡檢之設正為防姦便民今  
體知沿江各司官吏罔遵法律惟務貪饕比有往來  
船隻多係重載或公務限急正乘便風合當隨即驗  
行却乃不顧風濤險惡指以批驗為由勒令停泊因  
而刁蹬動加吊打指要錢鈔官吏牌甲通同分用纜  
方批放再照把截處所本以防姦乃自為姦本為民  
便反為民害所情深重難拘常律今後敢有仍前違

犯許被害之人赴官首告定將此等害民官吏軍兵  
就彼集令示衆如是出錢之人不行首告事發到官  
與犯人一體處治

廣州府巡檢司四十有二巡檢各一人額編弓兵凡  
二千三百五十五役

南海縣弓兵三百役金利巡檢司在縣西北桃子  
堡舊金利寨洪

武三神安巡檢司在縣西  
冲寨洪武三年改五斗口巡

檢司在縣南西淋都平洲堡景泰三  
年巡撫侍郎揭稽同三司奏設三江巡檢司

在縣西側水村舊三  
江寨洪武三年改黃岡巡檢司在縣西西隆堡  
寧口村舊黃島

寨元季毀于火江浦巡檢司在縣西南島安都龍  
洪武三年改

三年改已上六處弓兵俱五十名內各四名守省  
城○渭厓文集嘉靖八年光祿寺司牲大使陳璋

奏准移五斗口巡檢司於磨刀石上建軍屋二十間

番禺縣弓兵二百七十役鹿步巡檢司在縣東鹿步堡舊鹿

步寨洪武三年改弓兵十名守省城沙灣巡檢司在縣南逕口堡

在縣南白沙堡舊沙灣寨洪武三年改芙蓉塘巡檢司在縣南逕口堡

三年御嶺巡檢司在縣北擢桂堡舊巴由寨洪武改德里巡檢司在縣北何嶺堡舊慕德里寨洪武三

年改已上四巡檢司弓兵俱五十名

內各四名守省城

香山縣弓兵一百役香山巡檢司在縣北大攬村

二卒巡檢劉顯建小黃圃巡檢司去縣北一百二十里小

黎燦建已上二司各五十役

東莞縣弓兵三百役福末巡檢司在縣西南舊屯

三年改三十一年遷于福末村遂改今名富田巡檢司在縣南二百八

寨洪武缺口鎮巡檢司在縣西南缺口京山巡檢

司在縣東北舊在茶園寨洪武三年改巡司十中

九年都指揮花茂奏遷于京山村遂改今名

堂巡檢司在縣西麻涌村舊名白沙巡檢司在縣

白沙村舊白沙寨洪武一年改已上六巡

檢司俱弓兵五十名內撥五名守省城

增城縣弓兵一百役烏石巡檢司在縣南甘泉都

寨洪武茅田巡檢司在縣西綏福都洪武四年巡

初改五十名內各撥四名守省城

新會縣弓兵三百五十役沙村巡檢司在縣南長

長珠大神岡洪武二潮蓮巡檢司在縣東潮蓮村

年巡檢范得成創建

改二年沙岡巡檢司在縣西長村舊平康都樂里

沙岡村創建藥巡巡檢司在縣北收亭村舊藥巡

年改洪武二松柏巡檢司牛肚灣巡檢司在縣西何

灣寨洪武二年改大瓦巡檢司在縣中樂都洪武

巡檢白得創建十年重建已上七巡司各弓兵五十名內藥巡

司掣十二名與本縣民壯共立利運營于古勞都

防捕流賊

順德縣弓兵一百五十役馬岡巡檢司在縣南容

村洪武三年在本馬寧巡檢司在縣南馬寧堡舊

都小灣堡開設改馬寧巡檢司巡都寧巡檢司在縣南舊西淋江

檢喬按坦創建

名各撥四

村巡檢司在縣西紫坭巡檢司在縣南紫坭堡已

名守省城

從化縣流溪巡檢司在縣北石潭村舊流溪寨洪

役

龍門縣上龍門巡檢司在縣北西淋都舊名長沙

奇建額編弓

兵五十役

新寧縣弓兵一百役望高巡檢司在縣南舊褥洲

遷于望高村遂改今名巡檢金王川創建

十七年以其地立廣海衛都指揮同知花茂城岡

崗巡檢司在縣西南城岡堡已

三水縣弓兵二百役二水巡檢司在縣治南隔橫

江三水口

石巡檢司

胥江巡檢司

在縣北

西南巡檢司

在縣東南

楊梅堡舊西南寨洪武三年改已上四巡司俱五十名各撥四名守省城十名防守大沙角

清遠縣弓兵一百八十役橫石磯巡檢司

在縣東

舊橫石寨洪武二年改弓兵五十名內九名守金十營九名守高田營

滘江巡檢司

在縣東滘江鄉舊滘江寨洪武二年改弓兵四十名內三名守彭樓崗九名守黃岡營

巡檢司

在縣曲北池水鄉舊濱江寨

廻岐巡檢司

在縣西南廻岐寨洪武二年改弓兵五十名

陽山縣弓兵九十役星子巡檢司

在縣北四長鄉

范世英

朱岡巡檢司

在縣西北論富鄉洪武二年巡檢劉伯章創建

西岸

巡檢司

在縣東常歲鄉洪武二年巡檢蔡疇建已上三巡司各弓兵三十名

韶州府巡司一十有五設巡檢各一人額編弓兵凡

五百八十役

曲江縣巡司二弓兵凡一百役平圍巡檢司

在縣城北

九十里洪武十六年開設編弓兵五十名內撥十五名防守上道堡地方濠溪巡檢司

在縣城南一百里洪武十六年開設編弓兵五十名內撥十五名防守白沙堡地方

仁化縣巡司一弓兵凡六十役扶溪巡檢司

在縣嶺下

去縣五十里接江西恩村巡檢司

界洪武七年開設

已上二巡司俱乳源縣武陽巡檢司

在縣西二百七十里樂昌縣巡司四弓兵凡一百二十役高朦巡檢司

在縣北三十里弓兵二十九峯巡檢司在縣北六十里內十名守黃土嶺隘

三十名內十名守銅鑼坪隘 羅家渡巡檢司在縣西北一百二十里年監生白思謙奏立弓兵

三十名內十名守塘口隘 菁圃巡檢司在縣西北一百二十里弓兵三十名內

十名守象牙山隘

英德縣巡司四額編弓兵二百役清溪巡檢司去

北一百里洪武二年開設弓兵五象岡巡檢司去

十名內撥十名防守三板灘地方去縣南五十里

東一百里弓兵四十名內十名守滄光去縣南五十里

撥十名滄光巡檢司即名滄滙古滄光縣之地在

前象岡洸口二處撥來二十名共七十名

翁源縣巡司二弓兵七十役桂山巡檢司縣東

二十里萬在桂山丫國黃峒巡檢司縣東一百四十

初開設弓兵三十名縣東一百四十

名詳山川類弘治十四年建弓兵四十名

南雄府巡檢司五各設巡檢一人額編弓兵二百五十役

保昌縣巡司三弓兵一百五十役紅梅巡檢司在舊

梅關下洪武癸亥初後遷火巡平田巡檢司在東南一百里

巡檢司在北一百里洪武丁巳初已上各

始興縣巡司二弓兵一百役廣塘巡檢司在黃田

璽路洪武清化巡檢司縣南一百里洪武壬

巳酉朔內黃塘巡司撥五名守省城

惠州府巡檢司一十有八設巡檢各一人額編弓兵凡八百五十名

歸善縣巡司四弓兵二百役馴雉巡檢司在馴雉都寬

仁里巡檢司距府四百里寬得都挑子園舊內外

管巡檢司府東南一百三十里碧甲巡檢司府東

百八十里海濱正統八年博羅縣巡司二弓兵一百役善政里巡檢司在湖

鎮村洪武四石灣巡檢司在縣西石灣村洪武四年

年海豐縣巡司二弓兵一百役長沙港巡檢司在錫都

深廣各三十一丈洪武十三年巡檢白甲子門巡檢

蕭敏建弘治八年知縣劉睿重

司帆都深廣各二十丈洪武五年巡檢馬參

建景泰二年巡檢福清重建弘治八年知縣劉

璿重建已上二河源縣巡司三弓兵一百二十役藍口巡檢司在

前洪武六年建忠信里巡檢司在縣北一百里

弓兵五十役吉巡檢司在縣北一百二十里戈羅山下洪

武九年建成化十年知縣龍川縣巡司二弓兵九十役通衢巡檢司在縣北

秦宣重脩弓兵五十名十一都巡檢司在縣一

里洪武二年建長樂縣巡司二弓兵役清溪巡檢司在縣西

洪武五十二都巡檢司在縣南百甲黃牛渡洪

年建



興寧縣巡司二弓兵二百役  
口巡檢司在縣南四十里

洪武乙卯建十三都巡檢司在縣  
一百二十里與安樓隣洪武辛亥建

已上二巡司各五十名

和平縣涑頭巡檢司  
正德十六年涑頭平提督都

四十名  
史王守仁奏移額編弓兵

潮州府巡檢司一十有七各設巡檢一人額編弓兵

八百四十役

海陽縣巡司二弓兵二百役楓洋巡檢司在南桂

村舊在歸仁都楓洋村洪武四年遷闕望巡檢司在下外莆都洪武

司俱五十名  
二年建已上二巡

潮陽縣巡司四弓兵二百役吉安巡檢司在縣丹

里貴嶼村洪武二年建門闕巡檢司在縣六十里門闕  
招寧

巡檢司在縣治東三十里招寧桑田巡檢司在縣

十里竹山都正統十三年建  
北三

揭陽縣巡司二弓兵一百五十役北寨巡檢司在

頭山洪武四年建鮑浦巡檢司在溪南

武三年俱弓兵五十名

程鄉縣巡司一  
口五十役太平巡檢司在

西一石窰巡檢  
白里豐順巡檢司在縣西北

里已上俱弓兵五十名

饒平縣巡

役鳳凰山巡檢司在鳳凰山

弘治五年

山黃岡村洪武三年建弓兵四十名

惠來縣神泉巡檢司

舊在惠來都北山村洪武二十七年改額編弓兵五十名

大埔縣巡司二弓兵

日役三河巡檢司在縣西

年建大巡檢司在縣 年建 額十六

肇慶府巡檢司二十處設巡檢各一人額編弓兵一千四十有五役

高要縣巡司三弓兵一百五十役祿步巡檢司在

西七十里祿步鄉 漢巡檢司在城東七十里景泰五年設在橫查

天順年間建設 古耶巡檢司在城東九十里

上半都嘉靖三十年遷于本都水口

武四年設在龍池都寫遠嘉靖二十五年遷于此俱弓兵五十名

四會縣巡司三弓兵一百五十役南津巡檢司坐落

馬山都地方 金溪巡檢司坐落大圃 扶溪巡檢司

坐落太平都地方已上三司俱五十名

新興縣巡司三弓兵一百五十役羅奇巡檢司在

北四十里芙蓉都黃村深 四合巡檢司在城東八

十丈廣六丈洪武元年建 立將巡檢司在城南八十里寧化洪

武元年建 上俱五十名

高明縣太平巡檢司坐落沙村都地方

陽春縣古良巡檢司在城西二十里創始於洪武元年廢於洪武三十五年復

設永樂元年  
弓兵五十名

陽江縣海陵巡檢司

在城西南一百里  
額編弓兵六十名

恩平縣恩平巡檢司

坐落得行都地方  
額編弓兵五十名

德慶州巡司三弓兵一百八十役都城鄉巡檢司

去州西七十里民居悅城鄉巡檢司  
去州東一百三  
三百家洪武十年建

普康鄉巡檢司

去州南一百餘里洪武十  
六年建已上俱六十名

瀧水縣巡司二弓兵六十役建水鄉巡檢司

坐落  
思勞

開陽鄉巡檢司

坐落一都地  
方俱三十名

封川縣文德鄉巡檢司

坐落文德鄉地方  
額編弓兵五十名

開建縣古令巡檢司

坐落四都地方額編弓兵四  
十名內撥二十名守龍灣

高州府巡檢司六處設巡檢各一人額編弓兵一百

九十役

茂名縣巡司二弓兵五十役赤水巡檢司

即舊那  
黎巡檢

司在電白下博鄉去府一百一十里洪武二  
十七年都指揮花茂因那黎地僻遷建于此平山

巡檢司

在縣東南四十里舊電白縣境年久傾頽  
官吏附城隍居嘉靖二十七年知府歐陽

烈請建已上俱  
弓兵二十五名

信宜縣中道巡檢司

在羅馬村去縣五十里舊在  
懷德鄉路後黃潦寨左久廢

官就居城嘉靖二十八年知府  
歐陽烈建額編弓兵三十名

化州梁家沙巡檢司

舊役本州進二都父圮嘉靖  
二十六年郡守歐陽烈申復

額編弓兵  
三十名

吳川縣寧村巡檢司

在南三都地聚村去縣五十里洪武二十八年巡檢顧啓

祥因舊司近寧川千戶所改建於此久把官居於城嘉靖二十七年知府歐陽烈申請復建額編弓兵五碭州巡檢司  
統間按察使郭智遷

石城縣凌祿巡檢司

在縣額編弓兵三十名

廉州府巡檢司九處設巡檢各一人額編弓兵一百七十役

七十役

合浦縣巡司三弓兵五十役高仰巡檢司

舊在縣治南上

里洪武元年今廢編弓兵十名

珠場巡檢司

永平巡檢司

在府治西

北四百里久廢嘉靖十三年巡檢郭盛千

欽州巡司四弓兵八十役如昔巡檢司

在州治西一百七十

里管界巡檢司

在州治西一百八十里

沿海巡檢司

在州治南一十

里長墩巡檢司

在州治西三十里已上四巡司各弓兵二十名

靈山縣巡司二弓兵四十役西鄉巡檢司

在縣治西北一

百四十里那暮林墟巡檢司

在縣治南博義鄉一

村洪武八年建

雷州府巡檢司六設巡檢各一人額編弓兵二百役

海康縣巡司二弓兵七十役清道巡檢司

在縣西

二十里第九都烏石港

黑石巡檢司

在縣東九十里第一都

遂溪縣巡司二弓兵六十役湛川巡檢司

元至元三十一

年設在湛川村洪  
武三年遷舊縣  
潭洲巡檢司  
在第八都洪武三  
年開創已上俱弓

兵三十名

徐聞縣巡司二弓兵六十役東場巡檢司  
舊在十

谷村洪武二十七年遷于東場  
寧海巡檢司  
洪武二十七年遷調  
黎浦口已上俱弓兵

三十名

瓊州府巡檢司一十有五設巡檢各一人額編弓兵

凡四百五十役

瓊山縣清瀾巡檢司  
在縣額編  
弓兵三十名

澄邁縣澄邁巡檢司  
在縣西三十里石  
驪都弓兵三十名

臨高縣巡司二弓兵六十役田哩巡檢司  
在縣南

胥村傳舖巡檢司  
在縣北三十  
里英立都

文昌縣巡司二弓兵六十役舖前巡檢司  
在縣西  
北一百

五十里邁嶺都  
舖前巷之東  
青藍頭巡檢司  
在縣東一百  
里抱陵港

會同縣調置巡檢司  
在縣東南十五里  
太平都南窰村

儋州巡司二弓兵六十役鎮南巡檢司  
在州西南  
三十里抱

驛都田  
頭村  
安海巡檢司  
在州西南八  
十里抱驛都

萬州蓮塘巡檢司  
在州東三十  
里宣義都

陵水縣牛嶺巡檢司  
在縣北二十  
里興調鄉

崖州巡司三弓兵九十役藤橋巡檢司  
在州東二  
百二十里

未寧  
鄉抱歲巡檢司  
在州西八十  
里樂羅村  
通遠巡檢司  
在州  
黃流

村郎鳳  
嶺下

感恩縣延德巡檢司 在縣東南八十里南豐鄉已上十州縣巡司俱弓兵三十名

民壯

洪武初立民兵萬戶府簡民間武勇之人編成隊伍以時操練有事用以征戰事平復還為民有功者一體陞賞正統十四年令各處招募民壯就令本地官司率領操練遇警調用事完仍復為民天順元年令招募民壯鞍馬器械悉從官給本戶有糧與免五石仍免戶下二丁以資供給如有事故不許勾丁弘治

二年令選取民壯須年二十以上五十以下精壯之人州縣七八百里者每里僉二名五百里者每里三名三百里者每里四名一百里以上者每里五名春夏秋每月操二次至冬操三歇五遇警調集官給行糧其餘照天順元年例六年令官司私役民壯者照依私役軍餘例問罪 嘉靖十六年巡按御史戴璟案編僉正貼戶名色及不編人丁每府通融論糧徵銀在官雇募精壯之人充當行令各府州縣照依原額名數一府所屬實在糧米通融編派一府民壯工食行令各府審編官員遵照後開米石總數查審花戶姓名實米筭定該納銀數編造文冊在官每年各府掌印官嚴督州縣各掌印官俱於十月秋成之際照依花戶銀數責令各苗甲排各將本戶并本管甲首各銀兩隨糧照數帶徵送縣秤納至十二月終完足

查筭本州縣民壯若干名共該工食器具銀若干兩  
 照數扣留貯庫若有餘即行解府貯庫聽候不敷  
 州縣具數申請發給如有徵收過期及人戶恃頑不  
 納以致缺給者本府查將各州縣掌印官住俸該吏  
 截余催併再行不完掌印官聽分巡道參提該吏坐  
 賊問革該州縣仍將恃頑人戶提問應得罪名責限  
 完納州縣官吏不許徑拘花戶赴納官吏等不許  
 乘機濫罰里排完票付照紙價及因而指以秤頭火  
 耗之類里排亦不許多收甲首銀兩各該民壯本州  
 縣掌印官務要選募齊力強壯驍勇好漢能諳武藝  
 之人充當編成甲伍籍貫年貌在官填給小牌縣帶  
 令其自備鮮明器械堅固盜甲每名每年給與工食  
 銀七兩二錢器具銀二錢共七兩四錢按月照數支  
 給不許侵剋責令巡捕官以時訓練使效勇知方掌  
 印官不時點視以防役占賣放及頂名代替之弊前  
 項民壯無事防守城池有警調發殺賊獲功一體懸  
 賞如原有兵備道取用或扣追工食雇募打手應用  
 及撥守營堡關隘者俱聽照舊查撥其餘不許別項  
 差遣下鄉拘提人犯及撥送勢豪之家役使其守巡  
 道并本府捕盜官亦要不時巡歷一體嚴加點視考

校操演如有濫收老弱及不諳武藝之人充數及賣  
 放後占代替等項奸弊者即將該管官員并州縣原  
 選官吏及總小甲人等參究仍追其原原編立民壯  
 領過工食還官行選募堪周勇夫充補原編立民壯  
 初意本以守今則在官惟供迎送程勾攝及遞文  
 移而已甚或派諸私衙以為薪水之役其在營堡諸  
 路官司多受賄賣間至有一人而包當數役者矣軍  
 戶隨田附籍亦復編及既當軍役又充民壯軍民以  
 籍為定果當爾乎且又設民壯頭領例以丁田居上  
 者總其事而自行徵收有不能斂者則賠賍充焉老  
 吏黠胥每緣為奸法久稱弊議者欲隨糧帶徵若今  
 之水夫然民以為便此不易之良法也自巡按御史

蘇恩議定而亟去任厥後卒無有能舉行之者役寢  
繁重富者日至於貧貧者日歸於盜執所必至然品  
式具在良有司益為更化善治之圖哉

廣州府所屬額編民壯四千八百四十四名每名每年工食

器具該銀七兩四錢共銀三萬五千八百四十五兩六錢○連州二百番禺四百六十六南海六百

六十八香山三百二十五順德五百四十七龍門一百東莞六百一十七從化七十清遠一百九十

九增城四百四十三三水三百四十三新會六百五十五新寧一百零七連山五十陽山五十三

南雄府所屬四百六十六名每名每年工食器具該銀七兩四錢共銀三千

四百四十八兩四錢○保昌三百零六始興一百六十

韶州府所屬一千七百五十名每名每年工食器具該銀七兩四錢共銀

一萬二千九百五十兩○曲江四百英德四百翁源三百乳源二百樂昌二百五仁化二百

惠州府所屬二千六十五名每名每年工食器具該銀七兩四錢共銀一萬

五千二百八十一兩○歸善三百博羅三百零六海豐二百零九河源二百五十龍川二百五十興

寧二百五十長樂二百五十和平二百五十

潮州府所屬一千八百九十三名每名每年工食器具該銀七兩四錢

共銀一萬四千零八兩二錢○海陽三百一十八潮陽四百七十一揭陽三百二十一饒平二百七

十四程鄉二百五十六大埔二百惠來一百五十三

肇慶府所屬二千九百四十九名每名每年工食器具該銀七兩四錢

共銀二萬一千八百二十二兩六錢○德慶州三百五十五高要六百一十四封川一百開建一百瀧

水一百四會四百零五高明二百恩平一百三水新興五百陽江二百五十陽春二百



高州府所屬六百五十九名

每名每年工食器具該銀七兩四錢共銀四千

八百七十六兩六錢○化州一百零七茂各一百一十二信宜一百電白一百一十吳川一百三十

石城一百

雷州府所屬七百五十四名

每名每年工食器具該銀七兩四錢共銀五千

五百七十九兩六錢○海康三百零六徐聞二百二十四遂溪二百二十四

廉州府所屬一千零五十名

每名每年工食器具該銀七兩四錢共銀七十

七百七十兩○欽州一百八十五合浦四百二十靈山四百五十

瓊州府所屬一千六百八十三名

每名每年工食器具該銀七兩四錢

共銀一萬二千四百五十四兩二錢○萬州一百二十六儋州一百七十四崖州一百瓊山二百

十昌化三十二陵水五十六感恩三十三百五十三臨高二百四十定安一百一十

百四十九會同六十三樂會一百一十八

打手

打手始自成化初巡撫僉都御史韓雍短雇敢勇以

征寇盜事平罷之不為定例正德中蒼梧軍門本有

鎮夷營中軍士守梧州城忽聽生事之人建議籍廣

東衛所餘丁老幼每戶取一人號為精兵以代之嘉

靖初右都御史張嶺會三司議定用輪班精兵月糧

另雇精壯打手以備戰守其後每遇征戰改行廣州

等府別行雇募編立千長甲總以統領之而守城仍

用鎮夷營中軍士自此遂為常規又令南雄府始興

等縣顧募所謂殺手者送梧州坐營聽用往往支領

工食不時則為盜賊人皆歸咎於嶺肇啓禍釁云都

御史張嶺題為惜虛費以圖實用事據廣東布政司

衙門左布政使江潮等咨抄奉臣并蒙巡按御史徐

敬各案俱為裁革濫支軍糧事會同按察司都司掌

印官查得南寧等四衛長樂等九千戶所常年輪班

調赴軍門餘丁通共四千七百五十一名分為三班

每班一千五百八十三名半年一替上班之時在衛

所關支行糧米一石四斗五升一年該支一十七石

四斗通共米二萬七千五百四十四石二斗議照前

項輪班餘丁卒老幼疾病上損軍門之威下啓盜賊

之悔及至到班之日哨守未踰旬月相衣逃亡莫若

免其調發將該支月行糧米另雇精壯打手照

束用兵短雇打手每名月支工食銀六錢今議

每名月給工食銀八錢一年該工食銀九兩六錢

精兵月行糧通共二萬七千五百四十四石二斗

石折銀五錢共銀一萬三千七百七十二兩一錢

雇打手一十四百三十四名若於當及隣近土

年力精壯一可當百之大統以將領籍記姓名

無事則訓練較閱以壯軍威有警則調撥戰守以禦

盜賊等因備呈前來今據前因臣會同巡按廣東監

察御史徐敬議照前項所處以精兵之月糧購勇悍

之壯士則名名精選無老幼疾病之叅一也兵皆士

著習於水上而免逋逃死亡之患二也以地方之人

軍門所支月糧遂為虛名矣嗟乎民壯不能禦敵而

無虞矣其後令府縣雇募打手各自支給工食而

易打手以代之每遇調發千百為群恃羽檄文移公  
行剽掠所過無不殘滅衆目所矚莫敢誰何事已手  
慣輒為寇盜官司撫之則又聽招遇變則攘臂而起  
如近日外海白帶甲總陳文伯之寇是也嗚呼流患  
可勝言哉今稽府縣支給大畧開具于後

廣州府

香山縣雇募打手九十名

月給工食銀四錢五分  
分撥浮虛大埔洋二營

協同香山所餘  
丁守把地方

清遠縣雇募打手三百九十三名

老虎崗營一百  
二十五名月支

工食銀四錢五分於鹽利銀支給

羅鼓灘營一  
百名板潭營二百二十八名秦王選營四十

名俱每月工食銀四錢五分  
於止戶民壯追收工食支給

陽山縣雇募打手二百三十一名

大貴馬丁李崗  
三營共七十一名

工食於庫貯官銀支給  
高灘飯甑等十六營間  
共一百六十一名俱係附近鄉民雇募防守瞭望

連山縣雇募勇手一百五十名

每名月支工食銀  
四錢五分俱於本

州庫貯牛判銀內支給設立白  
沙大眼拳石三營守把地方

韶州府

英德縣雇募打手三百九十名

金皂口虎屏逕魚  
梁埠麻埠燕石五

營共三百五十名每名工食銀四錢五分俱於本  
縣驛傳米每石加派銀五分并革退翁源縣民壯  
五十名乳源樂昌仁化三縣民壯各二十名曲江  
民壯二十名追收工食銀內支給  
大廟黎崗二  
營共四十名每名月支工食銀四錢五  
分俱於本縣民壯正戶追收工食支給

惠州府

海豐縣長沙營打手二百五十名

月支本府秋糧銀六錢協同海

豐所官軍守把地方

肇慶府

高要縣金鷄坪貝水二營兵打手八十名

每名每月該府

給官銀六錢

四會縣打手六百一十名

黃沙營打手三百一十一名內三百一十一名該府

每名給工食銀六錢雇募黃桐陝逕沙田鶴爪八營共打手二百八十二名

原係民壯革退責令各民壯正戶出備工食雇募哨捕河岸打乎二十八名俱係民壯正戶募雇

新興縣打手五百七十三名

內三百二十五名每月該府查給一食銀

六錢餘二百四十八名係原撥民壯革退責令正戶雇募打手分立通利等一十四營防守地方

恩平縣打手一百八十八名

每名每月工食銀六錢內八十四名於該

府庫貯官銀查支餘俱於火夾腦稅銀支給分立塘宅馬岡紅黃山獵逕樓逕火夾腦六營堡防守

地方

德慶州打手一千五百五十三名

每名每月工食銀六錢俱於該

府庫貯官銀查給分立大埔大力埠思和三嶺等三十營守把地方

瀧水縣打手六百六十八名

每名每月工食銀六錢俱於該府庫貯官

銀查給雇募分立水東等七營守把地方

開建縣打手一百三十名

每名每月工食銀六錢俱於該府庫貯官銀雇

募分立會珠萬保獨住三營守把地方

瓊州府

萬州打手三百零一名

南頭營打手一百名協同黎兵士舍并萬州所官軍

守備黃坎改體炮竹羅透表羅有無俗等村黎賊

馭北營打手一百名鎮南營打手一百零一名論曰昭代制律

有定籍設立都司衛所以總轄之除器械以戒不虞其首務也而又別置巡司籍以丁

壯使守扼塞詰姦究所在樹兵宿甲崇象聲威巨防

立而盜賊壘其為法亦良矣承平日久什伍日亡弓

刀盾礮空有其名而已警邏守截本以庶私鹽偽引

而反藉侵牟所役弓兵半為囊橐尚何侮之可禦哉

二者既不足恃於是持寓兵於農之說視州縣賦之

多寡而編為民壯以時操練有警徵調事平歸農用

補敵愾之不足厥後計里編僉終歲服役無復征守

初意甚至撥送私家者有之又其乏也雇募打手克

焉以驍悍之夫而授之擊刺之器視諸羸卒誠什伯

相越故所向往往有成功然初非有勇知方不過出

其死力以易朝夕之食冥頑貪鄙乃其天性也行則

奪貨歸則弄兵亦何恠乎韓魏公所謂收拾強壯以


為兵使吾民保骨肉相聚之樂豈非得策然兵防屢

變反貽民憂則如之何而可必也巡臺任其責乎歲

覈軍器時稽巡兵而出季終申聞之令民壯工食即

募打手而行隨糧帶徵之法視地方有無寇警而行  
其賞罰焉則防範豫嚴而吾民庶乎有瘳矣

贊曰煌煌甲兵矯矯壯士列于戎行利於擊刺寓望  
守置揚威趨事無敵不摧靡奸敢恣惠我粵民特惟  
命使



廣東通志卷第三十二

